



25. februar 2020

Inatsisartut Suleriaasianni § 37 imm. 1 naapertorlugu Naalackersuisunut apeqquutit imaattut matumuuna saqqummiuppakka:

Naalackersuisunut apeqquutit:

1. Aningaasatigut allafissornikkullu pisortanut, ataanittunullu kommuninut Majoriamullu qanoq kinguneqartitsissava innuttaasuni suliffissaaleqisut Matchgruppe 1-imiittut akunnerit 72 iluanni suliffissaaleqisutut nalunaareernerup kingorna suliassaqartinneqartalernissaat piumasaaqatigineqalissangaluarpat?

2. Naalackersuisut allanik suliamut soqutiginaatilinnik paasissutissiinnaanerlutik?

(Inatsisartunut ilaasortaq Simigaq Heilmann, Demokraatit)

Tungavilersuut

Demokraatit isumaqarput innuttaasuni suliffissaaleqisut Matchgruppe 1-imiittut akunnerit 72 iluanni suliffissaaleqisutut nalunaareernerup kingorna suliassaqartitsinneqartalernissaat piumasaaqataalissasoq. Pisortanit ikiorneqarlutik suliffissamut tulluuttumut innersuunneqarpata, imaluunniit ilinniakkamik aallartitsippata pitsaanerpaassangaluarpoq, tamatigulli assigiinngitsut peqqutaallutik tamanna periarfissaasannilaq.

Taamaattoqartillugu Demokraatit isumaqarput innuttaasut taakkua pisortat ikiorsiissutaannik piniarunik suliassaqartinneqartassasut. Suliassaqartitsinerit tassaasinnaapput illoqarfigisami imaluunniit nunaqarfigisami eqqakkanik katersisarneq. Utoqqalinersialimmut kiserliortumut pulaartartuusinnaapput. Immaqaluunniit atuarfimmi imaluunniit meeqqerivimmi ikiortitit suliqaqartinneqarsinnaapput.

Oqaaserisap pingaarnersaa tassaavoq inuiaqatigiinnut tunniussaqaanngikkunik pisortanit ikiorsissutininik pisartangaqartoqartassanngitsoq.

Taamatut apeqquteqarninnut atatillugu akunnerit 72-it iluanni suliffissaaleqisut suliffissaaleqisutut nalunaareernerata kingorna suliassaqartinneqartarnissaat piumasaaqataalissappat aningaasatigut allafissornikkullu pisortanut qanoq kinguneqartitsissanersoq paasisaqarfigissallugu kissaatingaara.

Apeqqutima ullut sulliviit naliginnaasut qulit iluanni akineqarnissaat kissaatigaara.